

Na Presidente di Parlamento
Sr. drs. Pauldrick Croes



Aruba, 12 april 2011

Topico: preguntanan relaciona cu reduccion riba fianza di estudio

Respetable Sr. Presidente,

Pa medio di e carta aki mi kier haci un peticion na bo persona pa entrega e siguiente preguntanan na Minister di Asunto General, a base di articulo III.17 di nos Constitucion y articulo 59 di e Reglamento di Ordo di Parlamento.

Atentamente,

mr. Xiomara Ruiz-Maduro

Preguntanan pa Minister di Asunto General

Minister a anuncia den prensa cu Gobierno a aproba un reduccion di 30% riba e fianza di estudio conoci como Arubalening y cu e reduccion aki ta mara na algun condicion.

En bista di esaki, mi tin e siguiente preguntanan, a base di articulo III.7 di nos Constitucion y articulo 59 di Reglamento di Ordo di Parlamento di Aruba.

1. Minister por indica cual ta e condicionnan?
2. E ley aki ta bay na vigor cu forza retroactivo desde cu e Gobierno actual a sinta. Minister por indica si esaki kiermeen cu esnan cu a caba nan estudio promer di September 2009 lo no bin na remarca pa e reduccion?
3. Na Aruba tin hopi ex-studiante cu ta trahando y ta aportando caba na nos Pais cu tin debe di Arubalening y e IBG lening di Hulanda. Hopi ta indica di tin dificultad pa paga nan IBG lening bek, pa motibo di e diferencia grandi entre nos Florin y e Euro. Minister por indica cual ta e pasonan concreto cu Gobierno a tuma pa brinda alivio na e ex-studiante nan aki?
4. Den prensa a ser publica cu na 2008 un peticion a ser haci door di Sr. Eman na Hulanda pa e reglamentacion di pago di e IBG lening bou di un cambio fiho. Minister por indica kiko a pasa cu e peticion aki?

Mi ta spera di por recibi contesta riba e preguntanan aki **por escrito**, mas pronto cu ta posibel.

Atentamente,



Parlamentario mr. Xiomara Ruiz-Maduro
Fraccion MEP